



**UNIT KOMUNIKASI KORPORAT
JABATAN PERIKANAN MALAYSIA
BERITA PERIKANAN HARI INI**

**17 Mac 2023
24 Sya'ban 1444H**

SENARAI AKHBAR	TAJUK
Utusan Malaysia	<ul style="list-style-type: none">• Kekurangan benih ikan berterusan
Berita Harian	<ul style="list-style-type: none">•
Harian Metro	<ul style="list-style-type: none">• APMM tahan 25 bot nelayan tahun lalu
Kosmo !	<ul style="list-style-type: none">•
Sinar Harian	<ul style="list-style-type: none">•
The Star (Sunday Star)	<ul style="list-style-type: none">•
New Straits Time	<ul style="list-style-type: none">•
Nanyang Siang Pau	<ul style="list-style-type: none">•
Malaysia Gazette	<ul style="list-style-type: none">•
Harakah	<ul style="list-style-type: none">•
Malaysiakini	<ul style="list-style-type: none">•
Bernamea	<ul style="list-style-type: none">•
Borneo Post (KK)	<ul style="list-style-type: none">•
Guan Ming Daily	<ul style="list-style-type: none">•
Sabah Media	<ul style="list-style-type: none">•

UTUSAN MALAYSIA	/	KOSMO!		THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY			
HARIAN METRO		NEW STRAITS TIMES		THE MALAY MAIL		PELBAGAI			
KATEGORI LIPUTAN: POSITIF			NEGATIF		NEUTRAL			31	17.03.2023

Kekurangan benih ikan berterusan

Oleh AIN SAFRE BIDIN
utusannews@mediamulti.com.my

IPOH: Masalah sukar mendapatkan benih ikan yang dialami penternak ikan dalam sangkar di negeri ini dijangka berterusan disebabkan ketidakmampuan di peringkat pembekal menghasilkan benih dalam kuantiti yang besar.

Ini diakui seorang pengeluar dan pembekal benih ikan air tawar di Gopeng dekat sini, Mohd. Aminudin Mohd. Zaibani yang mendakwa masalah kekurangan benih ikan air tawar disebabkan beberapa perkara terutama cuaca tidak menentu yang menjejaskan kadar penetasan telur ikan.

Menurutnya, kebiasaannya musim hujan pada November dan Disember tetapi kali ini berlanjutan hingga Mac yang mempengaruhi kadar penetasan telur ikan.

Katanya, apabila cuaca tidak menentu, aktiviti pembenihan ikan akan hentikan dan jika dijalankan juga, hasil yang diper-



MOHD. Aminudin Mohd. Zaibani (kiri) menunjukkan benih ikan yang ditenak di pusat ternakannya di Gopeng. - UTUSAN/AIN SAFRE BIDIN

oleh tidak mampu menampung kos yg dikeluarkan.

"Induk ikan tidak bertelur seperti kebiasaan, induk kekurangan telur mungkin disebabkan faktor cuaca.

"Benih yang jadi kurang daya tahan, mudah mati. Apabila musim tak menentu, ikan mu-

dah diserang penyakit dan mudah mati dan ini bukan sahaja berlaku kepada benih, tetapi juga terjadi kepada ikan yang bersaiz pasaran," katanya kepada *Utusan Malaysia* di sini semalam.

Menurutnya, masalah kekurangan benih ikan terutama keli dan patin bukan sahaja berlaku di

Perak tetapi juga penternak ikan dalam sangkar di seluruh negara.

Katanya, masalah itu sudah berlaku sejak pertengahan tahun lalu dan belum ada jalan penyelesaian untuk bekalan benih kembali pulih.

"Masalah ini sudah berlaku sejak pertengahan tahun lalu

dan dijangka berterusan jika tidak diatasi dengan segera.

"Benih tilapia masih boleh dikawal tapi benih keli dan patin menghadapi masalah. Juga disebabkan kenaikan harga makanan ikan, harga keli dan patin berisiko untuk naik.

"Saya berharap agensi kerajaan yang berkaitan melihat ini sebagai satu isu yang besar kerana jika bekalan benih tidak ada, penternak tidak dapat meneruskan ternakan mereka, jadi kerajaan perlu mengambil langkah-langkah yang sepatutnya," katanya.

Sementara itu, Mohd. Aminudin menafikan dakwaan pihak pembekal mengutamakan tempahan dalam kuantiti yang banyak terutama penternak dari Pahang yang terjejas ternakan mereka akibat banjir di negeri itu baru-baru ini.

"Saya amalkan konsep siapa buat pesanan dahulu, dia dapat, tak kira pengusaha besar atau kecil, pesanan banyak atau sedikit," katanya.

UTUSAN MALAYSIA		KOSMO!		THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY			
HARIAN METRO	/	NEW STRAITS TIMES		THE MALAY MAIL		PELBAGAI			
KATEGORI LIPUTAN: POSITIF			NEGATIF		NEUTRAL			21	17.03.2023

APMM tahan 25 bot nelayan tahun lalu

Kangar: Agensi Penguatkuasaan Maritim Malaysia (APMM) Kuala Perlis menahan 25 bot di bawah Akta Perikanan 1985 sepanjang 2022 bagi membendung pencerobohan bot nelayan Thailand dan negeri lain yang melakukan tangkapan siput retak seribu di perairan negeri ini.

Exco Pertanian dan Industri Asas Tani negeri, Razali Saad berkata, ia membabitkan 10 kes Bot Nelayan Tempatan (BNT) Kelas A (Kuala Kedah) dan 15 kes lagi membabitkan sampan tradisional siput (Kuala Perlis).

"Sementara empat individu ditahan dan didakwa oleh APMM daripada penahanan bot siput pada tahun ini iaitu seramai 67 warganegara Malaysia, 41 daripadanya adalah daripada pencerobohan BNT kelas A (Kuala Kedah)," ka-

tanya pada Persidangan Dewan Undangan Negeri (DUN) Perlis di sini, semalam.

Beliau menjawab soalan **Abu Bakar Hamzah (Bersatu-Kuala Perlis)** berkaitan langkah kerajaan negeri mengat-

tasi masalah pencerobohan bot nelayan Thailand dan negeri lain yang menangkap siput retak seribu di perairan Perlis.

Razali berkata, tahun ini, empat kes pencerobohan Bot Nelayan Asing (BNA) direkodkan, iaitu kesalahan di bawah Akta Perikanan 1985 dan Akta Imigresen 1959/63, ia membawa penahanan lapan warga Thailand.

Katanya, APMM terus komited membendung isu ini dengan melaksanakan rondaan operasi (Op Aman) di perairan Perlis.

“Empat individu ditahan dan didakwa oleh APMM daripada penahanan bot siput Razali Saad”